

任邱縣志卷之十

武威劉 統重修

五行志

自洪範以五事分配五行又以五事之肅又哲
謀聖狂僭豫急蒙以徵雨暘寒燠風之休咎於
是五行災異之說已濫觴於此其後董仲舒劉
向向子歆之徒作爲春秋繁露洪範五行傳等
書以推衍其義說已稍稍繁密班范二史又復
踵而增之創爲五行志凡遇一災異之興必於
前乎此者究其所以致此之由又於後乎此者

推其所以應之之驗附會穿鑿支離破碎使識
緯術數狂巫瞽史皆得籍口經傳以爲誣惑故
儒者屏弗道也蓋前後不必妄爲揣測而災異
之跡則不可以不著故春秋二百四十二年間
書日食書地震書恒星不見書石隕書螽書麋
書蛾書冬無冰書梅李冬實書鴈鵠來巢書六
鷁退飛其文詳而不殺不一而足而後之史家
或紀祥瑞而畧災異殊非所以畏天威昭鑒戒
也且災祥亦何定之有商以桑穀昌以雉雛大
宋以法星壽齊以麟弱鄭以龍衰西推之漢

犀敗奔由是以談災異者固盛朝所不諱禍福
成敗相爲倚伏轉運密移存乎其人非洞然於
天人之故不泥其迹而心知其意者其孰能與
於斯或謂此尊者責也涖一官宰一邑瑣瑣紀
錄引爲已事不已侈乎是又不然洪範曰王省
惟歲卿士惟月師尹惟日又曰庶民惟星月之
從星則以風雨古固有不居鼎鉉之崇秩而奏
燮理之膚功者如禾九穗麥兩岐蟲不爲災蝗
不入境虎渡江珠還浦載在史冊班班可考也
吁伊何人哉伊何人哉

漢

桓帝永康元年大水溺死者詔賜有差

獻帝建安八年免租

魏

齊王正始元年大旱

晉

武帝咸寧六年春三月隕霜傷桑麥

惠帝元康八年大水

前五代

趙王虎建武四年夏五月大蝗司隸請罪守宰虎

曰此朕失政所致委咎守宰豈罪已之意耶司隸不進讜言佐朕不逮而欲妄陷無辜可乎

秦王堅建元十八年夏五月蝗不爲災劉蘭捕蝗不滅有司請下廷尉堅曰災降自天非人力可除此由朕之失蘭何罪歲大熟

魏元帝神瑞二年薦饑

文帝延興三年水大和十一年旱秋七月賑貸
齊宣帝天保元年夏大水遣使賑之

隋高祖開皇五年秋大水縣城漂沒溺死大半

唐

中宗神龍元年大水

代宗大歷六年春三月旱

德宗建中元年易水溢高丈餘禾稼蕩盡

貞元二年春大饑斗米萬錢

後五代

唐明宗天成二年有年斗米十錢

晉出帝開運三年大饑

周太祖廣順二年大水流民入塞者四十萬口詔

所在賑給之

宋

太宗太平興國二年秋七月大水免租

五年賑饑

端拱元年春遣使建阡陌浚溝洫復租

淳化元年旱

真宗咸平五年饑命有司賑之增屯田

大中祥符元年有年斗米七錢

仁宗天聖六年秋八月水

慶歷八年春二月饑民多鬻子帝賜錢二十萬
贖之

景祐四年夏六月莫州大雨壞城壁

嘉祐二年夏四月地大震壞城廓壓死者數百人
神宗熙寧元年秋八月莫州地震九月復震聲如
雷繼大水壞城廓廬舍百姓暴露乏食

哲宗元祐八年秋八月水

金

世宗大定六年饑冬十月免租

章宗明昌五年饑命有司賑而後聞

宣宗貞祐四年饑斗米銀十餘兩人相食

元

世祖至元六年秋八月水

十一年風雹殺稼免租

十九年秋七月旱

二十七年夏四月易水溢田廬漂沒詔修隄防
秋八月地大震因而傾陷黑沙水湧出壞官署
民居死者甚衆

三十年淫雨傷稼免租三萬三百五十六石

成宗元貞元年旱

二年水

大德九年春三月隕霜殺桑麥

武宗至大二年蝗傷稼民饑命有司賑之

仁宗皇慶二年獻嘉禾一莖數穗

英宗至治元年旱免租

二年夏五月淫雨害稼免租

晉王泰定三年夏四月饑命有司賑之免半租

文宗至順二年莫亭水遣官賑米三十萬石

三年滹沱河決

順宗元統元年秋七月大水渰沒無遺

至政元年饑命有司賑之

二十二年河水沒城廓壞民田三千餘頃

太祖洪武三十二年秋八月免租

英宗正統間蝗

天順元年免租詔民開間田三年入租

憲宗成化六年夏潦秋旱

九年災免田租之半

二十二年有年夜雨晝晴

二十三年秋大水

孝宗弘治二年夏六月大水

武宗正德八年夏有黑眚至秋乃滅

十一年冬十月知縣李獻成城於西北隅得龜

徑尺餘金文綠毫占者爲祥今珍謨書院放龜
亭遺趾卽其地也

十二年夏大水陸地行舟

十三年春旱大饑道殣相望

十四年春大疫

十五年黎顒書窩產芝九莖金色四作秀芝亭

知縣王齊有詩

世宗嘉靖二年春三月白洋淀風急浪湧渰死取
藕人數百城南沙壓死採薪者數十夏無麥
三年春寒雨沙無麥夏蝗秋大水

四年饑夏麥黃癘秋禾水沒

五年春地震

六年李公窩陳氏婦一產七女皆不育

七年夏四月四日五鼓有氣如火光龍形自空
至地直立於西南數刻乃散秋蝗

八年大蝗秋雨殺稼

九年夏旱秋潦

十年秋大水大蝗免田租之半

十一年蝗水民饑命有司賑之

十二年春雨雹冬十月初七夜星隕如擲金石

至曉未已

十三年有年

十四年夏五月雷擊不孝子栗達達欲殺母母走匿達出耕自顧其首有旗影風雷大作擊之十五年夏蝗不爲災秋水

十六年秋大水淫雨不止民舍傾壞

十九年大饑

二十一年大饑多瘟疫

二十二年申仲瑩產黃芝一本九莖

二十三年春饑

二十五年秋八月天鼓鳴

三十二年秋大水

三十三年春大饑人相食夏雨雹如斗壞民屋

三十四年雨雹傷麥

三十九年夏大蝗蔽天禾盡食

四十年春饑民鬻妻子野多餓莩秋熟

四十一年五官淀黑龍起水中大雨旬日

四十五年夏五月雨雹如卵二麥盡覆

穆宗隆慶二年地震如雷樓屋皆動

三年正月朔日中有數日旬日復之夏黑光與

日相磨冬十一月地震

神宗萬歷二年秋九月天鼓鳴十月再鳴

三年大熟

五年夏六月暴雨不止壞廬舍沒民田知縣顧問製文祈禱天卽開霽致仕刑部尙書閔煦有

〔詩〕冬十月彗星見長數丈白色三月乃滅

六年春二月民間失火延燒官舍知縣顧問拜祝火熄製文謝神夏大旱禾稼就枯竭誠懇禱是夜卽雨三日霑濡僉事劉勃有詩

七年東大塢李熙墳樹巢烏產白雛一八年又

產

三十五年大水 僉士李楨宁廳壁生芝黃色

一本五莖

三十七年旱

三十八年大旱

三十九年大水

四十三年七月始雨歲大熟

四丁五年民間生子腰傍一面五官皆備

熹宗天啟元年大水

三年大水 都憲謝淮塋產金芝高盈尺